

唐
音
統
籤

丙籤六十九李白之十九

唐音統籤卷

一百六十九

五言排律

秋夜獨坐懷故山

小隱慕安石遠遊學子平
天書訪江海雲卧起飛
京入侍瑤池宴出陪玉輦行
誇胡新賦作諫獵短
書成但奉紫霄顧非邀青史名
莊周空說劒墨翟
耻論兵拙薄遂踈絕歸閒事耦耕顧無蒼生望
空愛紫芝榮寥落暝霞色微茫舊壑情
秋山綠蘿月
今夕爲誰明

秋日與張少府楚城韋公藏書高齋作

日下空庭暮城荒古跡餘地形連海盡天影落江
虛舊賞人雖隔新知樂未疎彩雲思作賦丹壁問
藏書查擁隨流葉萍開出水魚夕來秋興蒲回首
意何如

登瓦官閣

晨登瓦官閣極眺金陵城鍾山對北戶淮水入南
榮漫漫雨花落嘈嘈天樂鳴兩廊振法鼓四角吟
一作風箏杳出霄漢上仰攀日月行山空霸氣滅
地古寒陰生寥廓雲海晚蒼茫宮觀平門餘閭闔
宇樓識鳳凰名雷作百山動神扶萬拱傾靈光何

足貴長此鎮吳京

秋日登揚州西靈塔

寶塔凌蒼蒼登攀覽四荒頂高元氣合標出海雲
長萬象分空界三天接畫梁水搖金剎影日動火
珠光鳥拂瓊簾度霞連繡拱張目隨征路斷心逐
去帆揚露浩梧楸白霜催橘柚黃玉毫如可見於
此照迷方

失題

舊作春日歸山寄孟浩然今詳詩意
是陪一顯者游禪寺和詩也容再考

朱紱遺塵境青山謁梵筵金繩開覺路寶筏度迷
川嶺樹攢飛拱岳花覆谷泉塔形標海月樓勢出

江煙香氣三天下鐘聲萬壑連荷秋珠已滿松露
蓋初圓鳥聚疑聞法龍參若護禪愧非流水韻叨
入伯牙絃

過四皓墓

我行至商洛幽獨訪神仙園綺復安在雲蘿尚宛
然荒涼千古跡蕪沒四墳連伊昔鍊金鼎何年閉
玉泉隴寒惟有月松古漸無煙木魅風號去山精
雨嘯旋紫芝高詠罷青史舊名傳今日併如此哀
哉信可憐

江上答崔宣城

太華三芙蓉明星玉女峰尋仙下西嶽陶令忽相
逢問我將何事湍波歷幾重貂裘非季子鶴氅似
王恭謬忝燕臺召而陪郭隗蹤水流知入海雲去
或從龍樹繞蘆洲月山鳴鵲鎮鍾宜州南陵有鵲頭鎮還期
如可訪台嶺蔭長松

贈崔侍郎

長劔一杯酒男兒方寸心洛陽因劇孟託宿話曾
襟但仰山嶽秀不知江海深長安復攜手再顧重
千金君乃轡軒佐轡軒一作軒轅予叨翰墨林高風摧秀
木虛彈落驚禽不取同舟興而來命駕尋扶搖應

月夜新書
借力桃李願成陰笑吐張儀舌愁爲莊舄吟誰憐
明月夜腸斷聽秋砧

中丞宋公以吳兵三千赴河南軍次尋陽脫
余之囚舉謀幕府因贈之

獨坐清天下專征出海隅九江背渡虎三郡盡還
珠組練明秋浦樓船入郢都風高初選將月滿欲
平胡殺氣橫千里軍聲動九區白猿慙劍術黃石
借兵符戎虜行當剪鯨鯢立可誅自憐非刺孟何
以佐良圖

贈易秀才

少年解長劒投贈卽分離何不斷犀象精光暗往
時嗟此君自惜竄逐我因誰地遠虞翻老秋深宋
玉悲空摧芳桂色不屈古松姿感激平生意勞歌
寄此辭

江夏使君叔席上贈史郎中

鳳凰丹禁裏銜出紫泥書昔放三湘去今還萬死
餘仙郎久爲別客舍問何如澗轍思流水浮雲失
舊居多慙華省貴不以逐臣疎復如竹林下叨陪
芳宴初希君生羽翼一化北溟魚

贈宣州靈源寺仲澹公

敬亭白雲氣秀色連蒼梧下映雙溪水如天落鏡
湖此中積龍象獨許濟公殊風韻逸江左文章動
海隅觀心同水月解領得明珠今日逢吏通高談
出有無

宣州九日聞崔四侍御與宇文太守遊敬亭
余時登響山不同此賞醉後寄崔侍御

九卿天上落五馬道傍來
列戟朱門曉塞帷
碧嶂開登高望遠海
召客得華才
紫綬歡情洽
黃花逸興催
山從圖上見
溪向鏡中迴
遙羨墮陽作
應過
戲馬臺

送友人尋越中山水

聞道稽山去偏宜謝客才
千巖泉灑落萬壑樹縈迴
東海橫秦望西陵遶越臺
湖清霜鏡曉濤白雪山來
八月枚乘筆三吳張翰杯
此中多逸興早晚向天台

送竇司馬貶宜春

天馬白銀鞍親承明主歡
闕雞金宮裏射鴈碧雲端
堂上羅中貴歌鍾清夜闌
何年謫南國拂劍坐長歎
趙璧爲誰點隋珠在被彈
聖朝多雨露莫厭此行難

送梁公昌從信安北征

入幕推英選捐書事遠戎高談百戰術鬱作萬夫
雄起舞蓮花劒行歌明月宮將飛天地陣兵出塞
垣通祖席留丹景征麾拂彩虹旋應獻凱入麟閣
佇深功

金陵送張十一再遊東吳

張翰黃花句風流五百年誰人今繼作夫子世稱
賢再動遊吳棹還浮入海船春光白門柳霞色亦
城天去國難爲別思歸各未旋空餘賈生淚相顧
共悽然

送紀秀才遊越

海水不滿眼觀濤難稱心卽知蓬萊石却是巨鰲
簪逸爾遊華頂令余發舄吟仙人居射的道士住
山陰禹穴尋溪入雲門隔嶺深綠蘿秋月夜相憶
在鳴琴

送二季之江東

初發強中作題詩與惠連多慚一日長不及二龍
賓西塞當中路南風欲進船雲峰出遠海帆影挂
清川禹穴藏書地匡山種杏田此行俱有適遲爾
早歸旋

送儲邕之武昌

黃鶴西

一作高

樓月長江萬里情春風三十度空憶

武昌城送爾難爲別街孟惜未傾湖連張樂地山
逐泛舟行諾爲楚人重詩傳謝朓清滄浪吾有曲
寄入棹歌聲

七言律詩

登金陵鳳凰臺

鳳凰臺上鳳凰遊鳳去臺空江自流吳宮花草埋
幽徑晉代衣冠成古丘三山半落青天外一一作
水中分白鷺洲攄爲浮雲能蔽日長安不見使人

愁舊注自傷曉廢望帝鄉而不見觸境生愁或云秦苻堅幸慕容垂夫人宦者趙整歌云不見雀來入燕室但見浮雲蔽白日用此不無意在

贈郭將軍

將軍少年出武威

一作豪蕩有英威

入

一作昔

掌銀臺護紫

微平明拂劔朝天去薄暮垂鞭醉酒歸愛子臨風

吹玉笛美人向月舞羅衣疇昔雄豪如夢裏相逢

且欲醉春暉

一作今日相逢俱失路何年灞上弄春暉

寄崔侍御

死溪霜夜聽猿愁去國長如不繫舟獨憐一鴈飛

南海却羨雙溪解北流高人屢解陳蕃榻過客還

一作難
登謝朓樓此處別離同落葉朝朝分散敬亭
秋

題東溪公幽居

杜陵賢人清且廉東谿卜築歲將淹宅近青山同
謝朓門垂碧柳似陶潛好鳥迎春歌後院飛花送
酒舞前簷客到但知留一醉盤中祇有水晶鹽

題雍丘崔明府丹竈

美人爲政本忘機服藥求仙事不違葉縣已泥丹
竈畢瀛洲當伴赤松歸先師有訣神將助大聖無
心火自飛九轉但能生羽翼雙鳧忽去定何依

送賀監歸四明應制

久辭榮祿遂初衣曾向長生說息機真訣自從茅
氏得恩波寧阻一作應許洞庭歸瑤臺含霧星辰滿仙
嶠浮空島嶼微借問欲棲五樹鶴何年却向帝城
飛

別中都明府兄

吾兄詩酒繼陶君試宰中都天下聞東樓喜奉連
枝會南陌愁爲落葉分城隅淥水明秋日海上青
山隔暮雲取醉不辭留夜月鴈行中斷惜離群

七言小律

送羽林陶將軍

將軍出使擁樓舡江上旌旗拂紫煙萬里橫戈探
虎穴三杯拔劍舞龍泉莫道詞人無膽氣臨行將
贈繞朝鞭

左傳士會辭秦歸繞朝贈之以策方書策非馬策也以爲鞭誤

丙籤五十九李白之二十

唐音統籤卷

一百七十

五言絕句

自遣

對酒不覺暝落花盈我衣
醉起步溪月鳥還人亦稀

田園言懷

賈誼三年謫班超萬里侯
何如牽白犢飲水對清流

夏日山中

懶搖白羽扇裸體青林中
脫巾挂石壁露頂洒松

風入畫真復可愛

憶東山二首

不向東山久薔薇幾度花白雲還自散明月落誰家

我今攜謝妓長嘯絕人羣欲報東山客開關掃白雲

九日龍山飲

九日龍山飲黃花笑逐臣醉看風落帽舞愛月留人

九月十日卽事

昨日登高罷今朝再舉觴菊花何太苦遭此兩重陽

杜陵絕句

南登杜陵上北望五陵間秋水明落日流光滅遠山

獨坐敬亭山

衆鳥高飛盡孤雲獨去閑相看兩不厭只有敬亭山

望木瓜山

早起見日出暮見棲鳥還客心自酸楚况對木瓜

山

夜下征虜亭

丹陽記亭是晉太安中征虜將軍謝安所立因以爲名

船下廣陵去月明征虜亭山花如綉頰江火似流

螢

魯中都東樓醉起作

昨日東城飲

一作樓醉歸來

一作還應

倒接羅阿誰扶上馬

不省下樓時

銅官山醉後絕句

我愛銅官樂千年未擬還要須廻舞袖拂盡五松

山

陪侍郎叔遊洞庭醉後三首

今日竹林宴我家賢侍郎三杯容小阮醉後發清狂

船上齊橈樂湖心泛月歸白鷗閑不去爭拂酒筵

飛
剗却君山好平鋪湘水流巴陵無限酒醉殺洞庭

秋揚齊賢曰君山在洞庭東距巴陵四十里登岳陽樓望之橫陳其前君山之後乃大湖渺茫無際

際氣壯沉
澄與三州

陪從祖濟南太守泛鵲山湖三首

初謂鵲山近寧知湖水遙此行殊訪戴自可緩歸

唐詩新集
卷之四
月
桃

湖濶數千里湖光搖碧山湖西正有月獨送李膺還

水入北湖去舟從南浦回遙看鵲山轉却似送人來

醉題王漢陽廳

我似鷓鴣鳥南遷嬾北飛時尋漢陽令取醉月中歸

勞勞亭

天下傷心處勞勞送客亭春風知別苦不遣柳條

青

奔亡道中三首

蘇武天上田橫海島邊
萬重關塞斷何日是歸年

亭伯去安在
李陵降未歸
愁容變海色
短服改胡衣

謾笑三軍却交遊
七貴疎仍留一隻箭
未射魯連書

見京兆韋叅軍量移東陽

潮水還歸海
流人却到吳
相逢問愁苦
淚盡日南

珠

對雪獻從兄處

昨夜梁園裏弟寒兄不知
庭前看玉樹腸斷憶連枝

送陸判官往琵琶峽

水國秋風夜殊非遠別時
長安如夢裏何日是歸期

送殷淑

痛飲龍筇下燈青月復寒
醉歌驚白鷺半夜起沙灘

送姪良攜二妓赴會稽戲有此贈

携妓東山去春光半道催
遙看若桃李雙入鏡中
開

口號留別金陵諸公

食出野田美酒臨遠水
傾東流若未盡應見別離
情

別東林寺僧

東林送客處月出白猿啼
笑別廬山遠何煩過虎
谿

賦得白鷺鶯送宋少府入三峽

白鷺拳一足月明秋水寒人驚遠飛去直去使君
灘

贈內

三百六十日日日醉如泥雖爲李白婦何異太常
妻

出妓金陵子呈盧六二首

南國新豐酒東山小妓歌對君君不樂花月柰愁
何

東道煙霞主西江詩酒筵相逢不覺醉日墮歷陽
川

浣紗石上女

玉面耶溪女青娥紅粉妝一雙金齒屐兩足白如霜

聞謝楊兒吟猛虎詞因此有贈

同州隔秋浦聞吟猛虎詞晨朝來借問知是謝楊兒

清溪半夜聞笛

羌笛梅花引吳溪隴水情寒山秋浦月腸斷玉關

聲

答友人贈烏紗帽

領得烏紗帽全勝白接羅
山人不照鏡稚子道相宜

詠山樽

擁腫寒山木嵌空成酒樽
愧無江海量軀蹇在君門

題情深樹寄象公

腸斷枝上猿淚添山下樽
白虎見我去亦爲我飛翻

紫藤樹

紫藤掛雲承花蔓宜陽春
密葉隱歌鳥香風留美

人

流夜郎題葵葉

慙君能衛足歎我遠移根
白日如分照還歸守故園

初出金門尋王侍御不遇詠壁上鸚鵡

落羽辭金殿孤鳴託一作綉衣能言終見棄還向

隴山飛

白鷺鷥

白鷺下秋水孤飛如墜霜
心閑且未去獨立沙洲

傍

觀放白鷹

八月邊風高，胡鷹白錦毛。
孤飛一片雪，百里見秋毫。

重憶賀監

欲向江東去，定將誰舉杯。
稽山無賀老，却棹酒船回。
裴敬撰白墓碑，載當塗化城僧出白手跡。跡有此題，稱訪賀監不遇，稽山作東山。

哭宣城善釀紀叟

紀叟黃泉裏，還應釀老春。
夜臺無李白，沽酒與何人。

一作題戴老酒店云：戴老黃泉下，還應釀大春。夜臺無曉日，沽酒與何人。

七言絕句

春怨

白馬金羈遼海東
羅幃繡被臥春風
落月低軒窺燭盡
飛花入戶笑牀空

山中與幽人對酌

兩人對酌山花開
一杯一杯復一杯
我醉欲眠卿且去
明朝有意抱琴來

用陶潛語

山中問答

問余何事栖碧山
笑而不答心自閑
桃花流水窅然去
別有天地非人間

口號吳王美人半醉

風動荷花水殿香
姑蘇臺上宴吳王
西施醉舞嬌無力
笑倚東窓白玉牀

東魯見秋懷通

去年別我向何處
有人傳我遊江東
謂言掛席度滄海
却來應是無長風

東魯門泛舟二首

日落沙明天倒開
波搖石動水縈迴
輕舟泛月尋溪轉
疑是山陰雪後來

水作青龍盤石堤
桃花夾岸魯門西
若教月下乘風去
何啻風流到剡溪

陪族叔刑部侍郎曄及中書賈舍人至遊洞

庭五首

洞庭西望楚江分
水盡南天不見雲
日落長沙秋色遠
不知何處弔湘君

南湖秋水夜無煙
耐可乘流直上天
且問洞庭除月色
將船買酒白雲邊

洛陽才子謫湘川
元禮同舟月下仙
記得長安還欲笑
不知何處是西天

洞庭湖西秋月輝
瀟湘江北早鴻飛
醉客滿船歌白苧
不知霜露入秋衣

帝子瀟湘去不還空餘秋草洞庭間
淡掃明湖開玉鏡丹青畫出是君山

與謝良輔遊涇川陵巖寺

乘君素舸泛涇南宛似雲門對若溪
且從康樂尋山水何必東遊入會稽

登廬山五老峯

廬山東南五老峯青天削出金芙蓉
九江秀色可攬結吾將此地巢雲松

望廬山瀑布水

日照香爐生紫煙遙看瀑布挂長川

一作廬山上
與星斗連日

照香烟飛流直下三千尺疑是銀河落九天蘇東坡以生紫烟
徐凝瀑布詩爲俗作詩云帝遣銀河一派垂古今惟有謫仙詞劉須溪云以爲銀河猶未免俗

望天門山

天門中斷楚江開碧水東流直至

一作至

北迴兩岸青

山相對出孤帆一片日邊來

早發白帝城

朝辭白帝彩雲間千里江陵一日還兩岸猿聲啼

不盡輕舟已過萬重山

楊慎云盛弘之荊州記朝發白帝暮到江陵其間千

二百里雖乘奔御風不爲疾也杜詩朝發白帝暮到江陵一日還雖同用盛弘之語而優劣自別

秋下荆門

霜落荆門江樹空
布帆無恙挂秋風
此行不爲鱸魚膾
自愛名山人剡中

用顧愷之行人安
穩布帆無恙語

蘓臺覽古

舊苑荒臺楊柳新
菱歌清唱不勝春
只今惟有西江月
曾照吳王宮裏人

越中覽古

越王句踐破吳歸
義士還家盡錦衣
宮女如花滿春殿
只今惟有鷓鴣飛

流夜郎聞酺不預

北闕聖人歌太康南冠君子竄遐荒漢酺聞秦鉤
天籟願得風吹到夜郎

訓崔侍御成甫

嚴陵不從萬乘遊歸卧空山釣碧流自是客星辭

帝座元非太白醉揚州

崔詩云天外常求太白
老金陵捉得酒仙人

答湖州迦葉司馬問白是何人

青蓮居士謫仙人酒肆藏名三十春湖州司馬何
須問金粟如來是後身

贈華州王司士

澤水不絕濤瀾高盛德未泯生英龍知君先負廟

堂器今日還須贈寶刀

巴陵贈賈舍人

賈生西望憶京華
湘浦南遷暮思嗟
聖主恩深漢文帝
憐君不遣到長沙

贈汪倫

李白乘舟將欲行
忽聞岸上踏歌聲
桃花潭水深千尺
不及汪倫送我情
楊齊賢曰白遊涇縣桃花潭村人汪倫常醞美酒以待白倫之裔孫至今寶其詩此非必其詩之佳要見古人風致如此

聞王昌齡左遷龍標遙有此寄

楊花落盡一作楊州花落子規啼
聞道龍標過五溪
我寄

愁心與明月隨風直到夜郎西

送韓侍御之廣德令

昔日繡衣何足榮
今宵貰酒與君傾
暫就東山賒月色
酣歌一夜送泉明

黃鶴樓送孟浩然之廣陵

故人西辭黃鶴樓
煙花三月下揚州
孤帆遠影碧空盡
唯見長江天際流

送外甥鄭灌從軍三首

六博爭雄好彩來
金盤一擲萬人開
丈夫賭命報天子
當斬胡頭衣錦回

出門妻子強牽衣問我西行幾日歸歸時儻佩黃金印莫學蘓秦不下機

翡翠爲樓金作梯誰人獨宿倚門啼夜坐寒燈連曉月河水杲杲當懸白鵲旗

送賀賓客歸越

鏡湖流水漾清波狂客歸舟逸興多山陰道士如相見應寫王庭換白鵲

別內赴徵三首

王命三徵去未還明朝離別出吳關白玉高樓看不見相思須上望夫山

丈八蛇矛山隴西彎弧拂箭白猿啼破胡必用龍
韜策積甲應將熊耳齊

月蝕西方破敵時及瓜歸日未應遲斬胡血變黃
河水泉首當應白鵲旗
曉月行行淚盡楚關西

南流夜郎寄內

夜郎天外怨離居明月樓中音信疎北鴈春歸看
欲盡南來不得豫章書

廬江主人婦

孔雀東飛何處棲廬江小吏仲卿妻爲客裁縫君
自見城烏獨宿夜空啼

贈段七娘

羅襪凌波生網塵那能得計訪情親
千杯綠酒何辭醉一面巫妝惱殺人

陌上贈美人

駿馬驕行踏落花垂鞭直拂五雲車
美人一笑蹙珠箔遙指紅樓是妾家

出妓金陵子呈盧六二首

安石東山三十春傲然攜妓出風塵
樓中見我金陵子何似陽臺雲雨人

小妓金陵歌楚聲家僮丹砂學鳳鳴
我亦爲君飲

清酒君心不肯向人傾

與史郎中欽聽黃鶴樓上吹笛

一爲遷客去長沙西望長安不見家黃鶴樓中吹
玉笛江城五月落梅花

春夜洛城聞笛

誰家玉笛暗飛聲散入春風滿洛城此夜曲中聞
折柳何人不起故園情

巫山枕障

巫山枕障畫高丘白帝城邊樹色秋朝雲夜入無
行處巴水橫天更不流

宣城見杜鵑花

蜀國曾聞子規鳥
宣城還見杜鵑花
一叫一迴腸一斷
三春三月憶三巴

白胡桃

紅羅袖裏分明見
白玉盤中看却無
疑是老僧休念誦
腕前推下水晶珠

哭晁卿衡

日本晁卿辭帝都
征帆一片遶蓬壺
明月不足沉碧海
白雲愁色滿蒼梧

丙籤五十九李白之一

二十

唐音統籤卷十一

一百七

附錄

戲贈杜甫

見唐舊史

孟繁云白才逸氣高不拘聲律此詩蓋譏杜之拘束也

飯顙山前逢杜甫頭戴笠子日卓午借問別來太瘦生總爲從前作詩苦

自廣平乘醉走馬六十里至邯鄲登城樓覽

古書懷

以下見文苑英華

醉騎白花馬西走邯鄲城揚鞭動柳色寫鞢春風

生入郭登高樓山川與雲平深宮翳綠草

一作雄都半古

萬事傷人情相如章華巔猛氣折秦嬴兩虎不

可闢廉公終負荆提携袴中兒杵臼及程嬰立孤
就白乃必成耀丹誠平原三千客談笑盡豪英毛
君能穎脫二國且同盟皆爲黃泉土使我涕縱橫
磊磊石子岡蕭蕭白楊聲諸賢沒此地碑版有殘
銘太古共今時由來互哀榮傷哉何足道感激仰
空名趙俗愛長劍文儒少逢迎閑從博徒遊暢飲
雪朝醒歌酣易水動鼓震叢臺傾日落把燭歸凌
晨向燕京方陳五餌策一使胡塵清

宣城長史弟昭贈余琴谿中雙舞鶴詩以見

志

令弟佐宣城贈余琴谿鶴謂言天涯雪忽向
落白玉爲毛衣黃金不肯博背風振六翮對舞臨
山閣顧我如有情長鳴以相託何當駕此物與爾
騰寥廓

鞠歌行

麗莫似漢宮妃謙莫似黃家女黃女持謙齒髮高
漢妃恃麗天廷去人生容德不自保聖人安用推
天道君不見蔡澤嵌枯詭恠之形狀大言直取秦
丞相又不見田千秋才智不出人一朝富貴如有
鄰二侯行事在方冊泣麟老人終困厄夜光抱恨

良難悲日月逝矣吾何之

胡無人

十萬羽林兒
臨洮破郅支
殺添胡地骨
降足漢營
旗塞濶牛羊
散兵休帳幕
移空餘隴頭
水鳴咽向
人悲

望夫石

嚴夫浪云文苑英華有太白望夫石一首及對雨雨後望月冬日歸舊山

類晚唐語不類太白

疑皆後人假名也

髣髴古容儀
含愁帶曙輝
露如今日淚
昔似昔年
衣有恨同湘
女無言類楚
妃寂然芳靄
內猶若待
夫歸

對雨

卷簾聊舉目
露濕草綿芊
古岫藏雲毳
空庭織碎
煙水紋愁不起
風線重難牽
盡日扶犁叟
往來江樹前

曉晴

野涼疎雨歇
春色偏萋萋
魚躍青池滿
鷺吟綠樹
低
野花粧面濕
山草紐斜齊
零落殘雲片
風吹挂竹谿

初月

玉蟾離海上
白露濕花時
雲畔風生爪
沙頭水浸

眉樂哉絃管客愁殺戰征兒因絕西園賞臨風一
詠詩

雨後望月

四郊陰靄散開戶半蟾生萬里舒霜合一條江練
橫出時山眼白高後海心明爲惜如團扇長吟到
五更

金陵新亭

金陵風景好豪士集新亭舉目山河異偏傷周顗
情四坐楚囚悲不憂社稷傾王公何慷慨千載仰
雄名

月夜金陵懷古

蒼蒼金陵月空懸帝王州天文列宿在霸業大江
流綠水絕馳道青松摧古丘臺傾鳩鵲觀宮沒鳳
凰樓別殿悲清署芳園罷樂遊一聞歌玉樹蕭瑟
洞庭秋

冬日歸舊山

未洗染塵纓歸來芳草平一條藤逕綠萬點雪峯
晴地冷葉先盡谷寒雲不行嫩篁侵舍密古樹倒
江橫白犬離村吠蒼苔壁上生穿厨孤雉過臨屋
舊猿鳴木落禽巢在籬疎路成拂床蒼鼠走倒

篋素魚驚洗硯修良策敲松擬素貞此時重一去
去今到二青

鄒衍谷

燕谷無煖氣窮巖閉嚴陰鄒子一吹律能迴天地
心

上清寶鼎詩

前晉見東觀餘論後
首見王直方詩話

我居清空表君處紅埃中仙人持玉尺度君多少
才玉尺不可盡君才無時休

嚙服十二環奄有仙人房暮騎紫鱗去海氣侵肌
玉帶我累累珠靡靡明月光

賦得鶴送史司馬赴崔相公幕

嚴滄浪吟卷以此為太白

逸詩不然亦盛唐人之作今考白紫華陽
嘗上崔相換詩求釋此云珍禽在羅網又
云願托周周羽似又望史為之地也宜其
以為白詩但今岑參集亦有之未知孰是

崢嶸丞相府清切鳳凰池
羨爾瑤池鶴高棲瓊樹
枝歸飛晴日好吟弄惠風吹
正有乘軒樂初當學
舞時珍禽在羅網微命若遊絲
願托周周羽相銜
漢水湄

題許宣平菴壁

見續山傳事詳
王羲仙詩內

我吟傳舍詩來訪真人
居煙嶺迷高跡雲林隔太
虛窺庭但蕭索倚杖空躊躇
應化遼天鶴歸當千

歲餘

題舒州司空山瀑布

周必大二老堂詩話

斷崖如削瓜嵐光破崖綠
天河從中來白雲漲川
谷玉案赤文字世眼不可讀
攝身凌青霄松風拂我足

句

舉袖露條脫招我飯胡麻

亦見二老堂詩話

草書歌行

以下偽作編李太白詩有贈懷素草書歌反

笑矣乎數篇皆貫休以下詞格
子固號有識者乃收此深可怪

少年上人號懷素草書天下稱獨步墨池飛出北

溟魚筆鋒殺盡中山兔八月九月天氣涼酒徒詞
客滿高堂牋麻素絹排數箱宣州石硯墨色光吾
師醉後倚人壯須臾掃盡數千張飄風驟雨驚颯
颯落花飛雪何茫茫起來向壁不停手一行數字
大如斗悅悅如聞神鬼驚時時只見龍蛇走左盤
右撼如驚電狀同楚漢相攻戰湖南七郡凡幾家
家家屏障書題徧王逸少張伯英古來幾許浪得
名張顛老死不足數我師此義不師古古來萬事
貴天生何必要公孫大娘渾脫舞

笑歌行

笑矣乎笑矣乎君不見曲如鉤古人知爾封公侯
君不見直如弦古人知爾歿道邊張儀所以只掉
三寸舌蘇秦所以不墾二頃田笑矣乎笑矣乎君
不見滄浪老人歌一曲還道滄浪濯吾足平生不
解謀此身虛作離騷遣人讀笑矣乎笑矣乎趙有
豫讓楚屈平賣身買得千年名巢由洗耳有何益
夷齊餓歿終無成君愛身後名我愛眼前酒飲酒
眼前樂虛名何處有男兒窮通當有時曲腰向君
君不知猛虎不看机上肉洪鑪不鑄囊中錐笑矣
乎笑矣乎甯武子朱買臣叩角行歌背負薪今日

逢君君不識豈得不如佯狂人

悲歌行

悲來乎悲來乎主人有酒且莫斟聽我一曲悲來
吟悲來不吟還不笑天下無人知我心君有數斗
酒我有三尺琴琴鳴酒樂兩相得一杯不啻千鈞
金悲來乎悲來乎天雖長地雖久金玉滿堂應不
守富貴百年能幾何死生一度人皆有孤猿坐啼
墳上月且須一盡杯中酒悲來乎悲來乎鳳凰不
至河無圖微子去之箕子奴漢帝不憶李將軍楚
王放却屈大夫悲來乎悲來乎秦家李斯早追悔

虛名撥向身之外范子何曾愛五湖功成名遂身
自退劍是一夫用書能知姓名惠施不肯千萬乘
卜式未必窮一經還須黑頭取方伯莫謾白首爲
儒生

少年行

嚴滄浪云此詩只數句類太白其
他皆淺近浮俗決非太白所作也

君不見淮南少年游俠客白日毬獵夜擁擲呼盧
百萬終不惜報讐千里如咫尺少年游俠好經過
渾身裝束皆綺羅蘭蕙相隨喧妓女風光去處滿
笙歌驕矜自言不可有俠士堂中養來久好鞍好
馬乞與人十千五千旋沽酒赤心用盡爲知己黃

金不惜栽桃李桃李栽來幾度春一回花落一回
新府縣盡爲門下客王侯昔是平交人男兒百年
且樂命何須讀書受貧病男兒百年且榮身何須
徇節甘風塵衣冠半是征戰士窮儒浪作林泉民
遮莫枝根長百丈不如當代多還往遮莫姻親連
帝城不如當身自簪纓看取富貴眼前者何用悠
悠身後名

猛虎行

蕭士墳辨
非太白作

朝作猛虎行暮作猛虎吟腸斷非關隴頭水淚下
不爲雍門琴旌旗續紛兩河道戰鼓驚山欲傾倒

秦人半作燕地囚胡馬翻銜洛陽草一輪一失關
下兵朝降夕叛幽薊城巨鼇未斬海水動魚龍奔
走安得寧頗似楚漢時翻覆無定止朝過博浪沙
暮入淮陰市張良未遇韓信貧劉項存亡在兩臣
暫到下邳受兵畧來投漂母作主人賢哲栖栖古
如此今時亦棄青雲士有策不敢犯龍鱗竄身南
國避胡塵寶書玉劍束高閣金鞍駿馬散故人昨
日方爲宣城客掣鈴交通二千石有時六博快壯
心遶林三匝呼一擲楚人每道張旭奇心藏風雲
世莫知三吳邦伯皆顧眄四海豪俠相追隨蕭曹

曾作沛中吏，攀龍附鳳當有時。溧陽酒樓三月春，
楊花茫茫愁殺人。胡雛玉眼吹玉笛，吳歌白紵飛
梁塵。丈夫相見且爲樂，椎牛搥鼓會衆賓。我從此
去釣東海，得魚笑寄情相親。

答王十二寒夜獨酌有懷

蕭士煥曰：此篇造語用事錯亂絕無

倫理。董龍一事尤爲可笑。乃五季間學太白者所爲耳。其服者自能別之。

昨夜吳中雪，子猷佳興發。萬里浮雲，碧山青天
中道流孤月。滄浪河漢清，北斗錯落長庚明。
懷余對酒夜霜白，玉牀金井冰嶸嶸。人生飄忽百
年內，且須酣暢萬古情。君不能，狸膏金距學鬪雞。

坐令鼻息吹虹霓君不能學哥舒橫行青海夜帶
刀西屠石堡取紫袍吟詩作賦北窓裏萬言不直
一杯水世人聞此皆掉頭有如東風射馬耳魚目
亦笑我謂與明月同驕驕奉賜不能食蹇驢得志
鳴春風折楊皇華合流俗晉君聽琴枉清角巴人
誰肯和陽春楚地由來賤竒璞黃金散盡交不成
白首爲儒身被輕一談一笑失顏色蒼蠅貝錦誼
謗聲曾參豈是殺人者讒言三及慈母驚與君論
心握君手榮辱於余亦何有孔聖猶聞傷鳳麟董
龍更是何雞狗一生傲岸苦不諧恩疎媒勞志多

垂嚴陵高揖漢天子何必長劍挂願事玉階達亦
不足貴窮亦不足悲韓信羞將絳灌比穉衡耻逐
屠沽兒君不見李北海英風豪氣今何在君不見
裴尚書土墳三尺蒿棘居少年早欲五湖去見此
彌將鍾鼎踈晉載記苻生司空王墮剛峻疾惡生
嬖人董榮亂政墮疾之如仇畧不與
言或曰董尚書貴幸公宜降意墮曰董龍是何雞
狗而令國士與人言乎榮大慙慙生誅墮臨刑榮
曰公復敢數董龍作雞狗
乎墮慎目叱之龍榮小字

醉後荅丁十八以詩譏余槌碎黃鶴樓

白贈
韋南

陵有槌碎黃鶴樓句此詩楊用修
詩話辨爲宋初人作樂史誤收

黃鶴高樓已搥碎黃鶴仙人無所依黃鶴上天訴

玉帝却放黃鶴江南歸神明太守再雕飾新圖粉
壁還芳菲一州笑我爲狂客少年徃徃來相譏君
平簾下誰家子云是遼東丁令威作詩調我驚逸
興白雲遶筆窓前飛待取明朝酒醒罷與君爛熳
尋春暉

下涇縣陵陽溪至澁澁

以下二首涇縣志僞詩樂史宋敏求誤收

者東坡云余舊在富陽見國清院太白詩絕凡近過彭澤唐興院又見太白詩亦非是良由太白豪俊語不甚擇集中徃徃有臨時率然之句故使妄庸敢爾今地志中僞太白詩頗多皆此類也

澁澁鳴嘈嘈兩山足猿猴白波若卷雪側足不容

舠漁子與舟人撐折萬張篙

下陵陽沿高溪三門六刺灘

三門橫峻灘六刺走波瀾石驚虎伏起水狀龍縈

盤何慙七里灘使我欲垂竿

少作四首

楊天惠彰明逸事云元符二年天惠補令彰明聞唐李白本邑人竊

從學士大夫求聞逸事云太白微時募縣

小吏入令卧內嘗驅牛經堂下令妻怒將

加詰責太白急以詩謝令驚異不問稍引

侍研席一日賦山火詩思軋不屬太白從

傍綴其下句令慙止又從令觀漲有女子

溺歟江上令復苦吟太白輒應聲繼之令

滋不悅太白恐棄去隱居戴天大匡山往

來旁郡依潼江道徵君繼從學歲餘去遊

成都賦春感詩時太白尚方少英氣溢發

諸爲詩文甚多雖頗體弱然短羽雛雛已

有雛鳳
態矣

賦牽牛

素面倚簾鉤嬌聲出外頭若非是織女何得問牽牛

賦山火

野火燒山上人歸火不歸今焰隨紅日去烟逐暮

雲飛白

溺水女子

二八誰家女漂來倚岸蘆鳥窺眉上翠魚弄口傍朱令綠髻隨波散紅顏逐浪無因何逢伍相應是

怨秋胡白

春感詩

茫茫南與北道直事難諧
榆莢錢生樹楊花玉糝
街塵縈遊子面蝶弄美人釵
却憶青山上雲門掩
竹齋

聯句

高霽

韋權輿

白五言古有望九華贈青陽韋仲堪詩疑卽權輿字也俗本作權輿疑譌

改九子山爲九華山聯句

并序

青陽縣南有九子山山高數千丈上有九峯如蓮花按圖徵名無所依據太史公南遊畧而不

書事紀古老之口復闕名賢之紀雖靈仙往復而賦詠罕聞予乃削其舊號加以九華之目時訪道江漢憇于夏侯迴之堂開簷岸幘坐眺松雪因與二三子聯句傳之將來

妙有分二氣靈山開九華白層標迢遲日半壁明

朝霞齊積雪耀陰壑飛流歎陽崖權青榮玉樹色

縹緲羽人家白

丙籤六十杜甫之一

唐音統籤卷十一百七

杜甫字子美本襄陽人後徙河南鞏縣曾祖依藝
位終輩令祖審言位終膳部員外郎自有傳父閑
終奉天令甫天寶初應進士不第天寶末獻三大
禮賦玄宗奇之召試文章授京兆府兵曹參軍十
五載祿山陷京師肅宗徵兵靈武甫自京師宵遁
赴河西謁肅宗於彭原郡拜右拾遺房琯布衣時
與甫善時琯爲宰相請自帥師討賊帝許之是年
十月琯兵敗於陳濤斜明年春琯罷相甫上疏言
琯有才不宜罷免肅宗怒貶琯爲刺史出甫爲華

州司功叅軍時關畿亂離穀食踊貴甫寓居成州
同谷縣自負薪採杞兒女餓殍者數人久之召補
京兆府功曹上元二年冬黃門侍郎鄭國公嚴武
鎮成都奏爲節度叅謀檢校尚書工部員外郎賜
緋魚袋武與甫世舊待遇甚隆甫性褊躁無器度
恃恩放恣嘗慝醉登武之牀瞪視武曰嚴挺之乃
有此兒武雖急暴不以爲忤甫於成都浣花里種
竹植樹結廬枕江縱酒嘯詠與田夫野老相狎蕩
無拘檢嚴武過之有時不冠其傲誕如此永泰元
年夏武卒甫無所依及郭英乂代武鎮成都英乂

武人麤暴無能刺謁乃遊東蜀依高通既至而適
卒是歲崔寧殺英人楊子琳攻西川蜀中大亂甫
以其家避亂荆楚扁舟下峽未維舟而江陵亂乃
泝沔湘流遊衡山寓居耒陽甫嘗遊嶽廟爲暴水
所阻旬日不得食耒陽聶令知之自棹舟迎甫而
還永泰二年啗牛肉白酒一夕而卒于耒陽時年
五十九子宗武流落湖湘而卒元和中宗武子嗣
業自耒陽遷甫之柩歸葬於偃師縣西北首陽山
之前天寶末詩人甫與李白齊名而白自負文格
放達譏甫齷齪而有飯顆山之嘲諷元和中詞人

元稹論李杜之優劣曰予讀詩至杜子美而知小
大之有所總萃焉始堯舜之時君臣以賡歌相和
是後詩人繼作歷夏殷周千餘年仲尼緝拾選揀
取其干預教化之尤者三百餘無所聞騷人作而
怨憤之態繁然猶去風雅日近尚相比擬秦漢已
還採詩之官既廢天下妖淫民謳歌頌諷賦曲嬉
戲之辭亦隨時間作至漢武賦柏梁而七言之體
興蘇子卿李少卿之徒尤工爲五言雖句讀文律
各異雅鄭之音亦雜而辭意簡遠指事言情自非
有爲而爲則文不妄作建安之後天下之士遭罹

兵戰曹氏父子鞍馬間為文往往橫槊賦詩故其
狀抑揚寬哀悲離之作尤極於古晉世風槩稍存
宋齊之間教失根本士以簡慢歛習舒徐相尚文
章以風容色澤放曠精清為高蓋吟寫性靈留連
光景之文也意義格力無取焉陵遲至於梁陳淫
豔刻飾佻巧小碎之詞劇又宋齊之不取也唐興
學官大振歷世能者之文互出而又沈宋之流研
鍊精切穩順聲勢謂之為律詩由是之後文變之
體極焉然而莫不好古者遺近務華者去實效齊
梁則不迨於魏晉工樂府則力屈於五言律切則

骨格不存閒暇則纖濃莫備至於子美蓋所謂上
薄風騷下該沈宋言奪蘇李氣吞曹劉掩顏謝之
孤高雜徐庾之流麗盡得古今之體勢而兼人人
之所獨專矣使仲尼考鍛其旨要尚不知貴其多
乎哉苟以為能所不能無可無不可則詩人已來
未有如子美者是時山東人李白亦以文奇取稱
時人謂之李杜予觀其壯浪縱恣擺去拘束模寫
物象及樂府歌詩誠亦差肩於子美矣至若鋪陳
終始排比聲韻大或千言次猶數百詞氣豪邁而
風調清深屬對律切而脫棄凡近則李尚不能歷

其藩翰况堂與乎予嘗欲條析其文體別相附與
米為之準特病懶未就爾自後屬文者以稹論為
是甫有文集六十卷

譜

宗先天元年壬子

開

南生八年庚申
是年甫九歲壯遊詩云九齡書大字有作成一

開

元十三年乙丑
是年甫十四歲壯遊詩云往昔十四五出遊翰

開

元十四年丙寅
是年出遊選場崔鄭州尚魏豫州啟心稱之故

開

元十七年己巳
壯遊詩云斯文崔魏徒以我似班揚

遊吳越至江寧

開元十九年辛未

進大禮賦已而下姑蘇渡會稽數年方歸

開元二十二年甲戌云歸帆拂天姥中歲貢舊鄉

開自越歸赴鄉舉故云歸帆拂天姥中歲貢舊鄉

開元二十三年乙亥

開元二十四年丙子禮部以侍郎主之壯遊詩云忤

是年移貢舉於禮部以侍郎主之壯遊詩云忤

下考功第拜辭京尹堂放蕩齊趙間裘馬頗清

狂下第五年丁丑前遊齊趙在是年之後

開元十五年丁丑前遊齊趙在是年之後

遊齊趙從李白及高適過汴州酒酣登吹臺懷

慨懷古遺懷詩所謂憶與高李輩論交入酒壚

兩公壯藻思得我色敷腴是也

開元十九年辛巳祖晉鎮南將軍于洛之首陽

南有河有祭遠祖晉鎮南將軍于洛之首陽

又元有冬日懷李白詩

天寶元年在河南為萬年縣君京兆杜氏作誌

天寶二年在河南為萬年縣君京兆杜氏作誌

天

在河南
寶三載
是年
有祖母
范陽
太君
盧氏
卒於
陳留
之私第

天

寶四載
有六日
葬于
河南
之鄭
師

天

寶五載
丙戌
有陪
李北海
宴歷下
亭詩

天

天子詔
天下一
藝諸
轅下
遂西
歸應
詔有
行

天

高力脫
韓力飲
中八
仙歌
案史
李白
嘗侍
帝醉
妃使

天

帝欲官
白妃
輒沮
止白
自適
之汝
陽王
遜崔
宗

天

驚放不
自伶
與賀
知章
李適
之汝
陽王
遜崔
宗

天

寶六載
丁亥
焦遂
為酒
八仙
人

天

應詔退
下作
天狗
賦蓋
喻已
也紫
舊史
天寶
六

載冬十
月幸
溫泉
改為
華清
宮明
年冬
公天
寶六

東都上
鮮于
京兆
詩云
且隨
諸君
集方
顓薄
材至

仲破膽
傷前
政陰
謀獨
秉鈞
微生
需忌
刻萬
事材

益酸辛
正謂
是年
應詔
李林
甫忌
人斥
己建
言

草茅徒
以狂
言亂
聖聽
請付
尚書
試問
無一
中

天寶七載云

天寶在長安有寄河南韋尹詩

天寶八載己丑日洛城謁玄元皇帝廟詩

天寶在河南有冬大禮賦又進鵬賦又有兵車行

天寶是年進三辛卯大禮賦又進鵬賦又有兵車行

天寶在章有秋述有杜位宅守歲詩制集賢院召試

天寶在章有秋述有杜位宅守歲詩制集賢院召試

天寶在章有秋述有杜位宅守歲詩制集賢院召試

天寶在章有秋述有杜位宅守歲詩制集賢院召試

天寶在章有秋述有杜位宅守歲詩制集賢院召試

天寶在章有秋述有杜位宅守歲詩制集賢院召試

天寶在章有秋述有杜位宅守歲詩制集賢院召試

天

寶年十五載丙申改至德元年甲子肅宗即位於靈

武

是年七月明皇幸蜀七月甲子肅宗有髡

詩

三自奉先往白水依舅氏崔十九翁有觀水

漲

詩按本傳云聞肅宗立自鄜州有奔行在為

賊

所得在是年八月肅宗故有月夜九日藍田崔氏

莊

哀王孫悲陳陶悲青阪對雪等詩

德

二在年丁酉元日寄韋氏妹詩夏得脫賊中故

春

懷詩云今夏草木長脫身得西走謁肅宗子

述

翔拜左拾遺有喜達行在所詩五月丁巳房

鳳

翔相上疏救瑄肅宗怒詔三司推問中書侍

瑄

罷相上疏救瑄肅宗怒詔三司推問中書侍

郎

同平章事張錫救之就令錫宣口勅宜放推

問

有謝狀又同遺補薦岑參諫官狀八月放

還

鄜州省妻靈武甫北征詩九月復京師及送鄭

郊

肅宗至自靈武甫北征詩九月復京師及送鄭

乾

元元年戊戌詩

是

年春宿左省曲江對酒答岑補闕

送

賈園老出汝州等詩夏有端午日賜衣詩六

卷一百七十一

月出為華州司功有酬孟雲卿詩冬尚留華有

乾元二年己亥

乾元三年庚子改上元年

在城都裴公為卜城都西郭沆花寺居高適詩

上元二年辛丑

是年以崔光遠為成都尹劍南節度使四月劍

南東川節度兵馬使段子璋反陷綿州高適同

寶應元年壬寅

是年四月代宗即位甫在成都七月嚴武歸朝

廣德元年癸卯

三月辛酉葬玄宗庚午葬肅宗嚴武為小陵橋

濟驛重送嚴公詩嚴侍郎到綿州同登樓及奉

送武至綿州有送嚴侍郎到綿州同登樓及奉

都尹提擲還崔大夫是也是年冬以嚴武為成

糊手提擲還崔大夫是也是年冬以嚴武為成

道使南在梓州補京兆府功曹不赴有春日登

廣德二年甲辰往閬州嚴武再鎮蜀復自閬歸草

堂依武武奏為節度叅謀檢校工部員外郎賜

永泰元年乙巳成都院中歸溪上有詩四月成都尹嚴

武薨六月南去成都州

永泰二年丙午改大曆元年

大曆二年春自雲安移居夔州

大曆三年春居赤甲又遷居瀘西各有詩

是年春出峽正月去夔三月至江陵有呈江陵

大曆四年己酉岳陽樓等詩歲暮去之岳州有泊岳陽城下登

正月自岳陽之潭有宿青草湖湘夫人祠入喬

大

口等詩至潭未幾入衡有發潭州詩至衡畏熱
 復面潭有田棹詩登舟將適漢陽詩又有風疾
 舟中伏枕書懷呈湖南親友詩
 是年春在潭州率舟居四月臧玠殺崔瓘避亂
 至衡山有題衡山縣文宣王廟新學堂呈陸宰
 詩入衡山將如彬州縣依舅氏至未陽訪聶令經方
 田驛阻水旬餘聶致酒肉史云令嘗饋牛炙白
 酒大醉一水夕卒內思元微之誌與舊史無此說撫
 遺謂玄宗還南死葬於此矣韓昌黎詩力辨其積
 空土於江上曰扁舟下荆楚竟以寓卒旅殯岳
 非元微之誌云卒不當在衡岳之行間秋冬之交
 陽魯譜云其卒當在衡岳之行間秋冬之交衡岳
 潭之譜云其卒不當在衡岳之行間秋冬之交衡岳
 當在潭岳之間不相鄰舟行必經潭然後至岳

五言古詩一

遊龍門奉先寺

已從招提遊更宿招提境陰壑生靈籟月林散清影
天闕象緯逼雲卧衣裳冷欲覺聞晨鐘令人發

深省

靈一作虛天闕
古本作天闕

贈李白

二年客東都所歷厭機巧野人對羶腥疏食常不飽
豈無青精飯使我顏色好苦乏大藥資山林跡如埽
李侯金閨彥脫身事幽討亦有梁宋遊方期拾瑤草

望嶽

岱宗夫如何齊魯青未了造化鍾神秀陰陽割昏
曉盪胸生曾雲決眦入歸鳥會當凌絕頂一覽衆
山小

陪李北海宴歷下亭

時邑人饗處士等在

東藩駐臯蓋北渚凌清河海右此亭古濟南名士
多雲山已發興王佩仍當歌脩竹不受暑交流空
湧波蘊真愜所遇落日將如何貴賤俱物役從公
難重過

同李太守登歷下古城員外孫新亭

新亭結構罷隱見清湖陰跡籍臺觀舊氣溟海岳
深圓荷想自昔遺堞感至今芳宴此時具哀絲千
古心主稱壽尊客筵秩宴北林不阻蓬華興得兼
梁甫吟

暫如臨邑至嶠山湖亭奉懷李員外率爾成
興

野亭逼湖水歇馬高林間鼙吼風奔浪魚跳日映
山暫遊阻詞伯却望懷青關靄靄生雲霧唯應促
駕還

奉贈韋左丞丈二十二韻

紉袴不餓死儒術多誤身丈人試靜聽賤子請具
陳甫昔少年日早充觀國兵讀書破萬卷下筆如
有神賦料揚雄敵詩看子建親李邕求識面王翰
願卜隣自謂頗挺出立登要路津致君堯舜上再
使風俗淳此意竟蕭條行歌非隱淪騎驢三十載
旅食京華春朝扣富兒門暮隨肥馬塵殘杯與冷
炙到處潛悲辛主上頃見徵歛然欲求伸青冥却
垂翅蹭蹬無縱鱗甚愧丈人厚甚知丈人真每於
百寮上猥誦佳句新竊效貢公喜難甘原憲貧焉
能心怏怏祇是走踆踆今欲東入海即將西去秦

尚憐終南山回首清渭濱常擬報一飯况懷辭大
臣白鷗波浩蕩萬里誰能馴一作提出一作挺特旅食

沒鷗

贈衛八處士

人生不相見動如參與商今夕復何夕共此燈燭
光少壯能幾時鬢髮各已蒼訪舊半為鬼驚呼熱
中腸焉知二十載重上君子堂昔別君未婚兒女
忽成行怡然敬父執問我來何方問荅未及已兒
女羅酒漿夜雨剪春韭新炊聞黃粱主稱會面難
一舉累十觴十觴亦不醉感子故意長明日隔山

獄世事兩茫茫

兒女一作男女未及已一作乃未已兒女羅酒漿一作驅兒羅酒漿

聞舊作間

同諸公登慈恩寺塔

時高適薛據先有此作

高標跨蒼穹烈風無時休
自非曠士懷登茲翻百憂
方知象教力足可追冥
搜仰穿龍蛇窟始出枝
撐幽七星在北戶河漢聲
西流羲和鞭白日少昊
行清秋秦山忽破碎涇渭
不可求俯視但一氣焉能
辨皇州回首叫虞舜蒼梧
雲正愁惜哉瑤池飲日晏
崑崙丘黃鵠去不息哀鳴
何所投君看隨陽雁各有
稻粱謀

送高三十五書記十五韻

崆峒小麥熟且願休王師請公問主將焉用窮荒
為飢鷹未飽肉側翅隨人飛高生跨鞍馬有似并
州兒脫身薄尉中始與捶楚辭借問今何官觸熱
向武威荅云一書記所媿國士知人實不易知更
須慎其儀十年出幕府自可持旌麾此行既特達
足以慰所思男兒功名遂亦在老大時常恨結驢
淺各在天一涯又如參與商慘慘中腸悲驚風吹
鴻鵠不得相追隨黃塵翳沙漠念子何當歸邊城
有餘力早寄從軍詩

并州兒一作幽州兒慘慘中腸悲一作中腸安不悲吹一

一作
作時

漢陂西南臺

高臺面蒼陂六月風日冷
蕙葳離披去天水相與
永懷新目似擊接要心已領
仿像識鯨人空蒙辨
魚艇錯磨終南翠顛倒白閣影
崑崙增光輝乘凌
惜俄頃勞生愧嚴鄭外物慕張邴
世復輕驂騶吾
甘雜龜黿知歸俗可忽取適事莫並
身退豈待官
老來若便靜况資菱芡足庶結茅茨
迴從此具扁
舟彌年逐清景

苦雨奉寄隴西公兼呈王徵士

隴西公即漢

中王瑀王微士瑯邪王微

今秋乃淫雨仲月來寒風羣木水光下萬家雲氣
中所思礙行潦九里信不通悄悄素漚路迢迢天
漢東顧騰六尺馬背若孤征鴻劃見公子面超然
懽笑同奮飛既越局促傷樊籠一飯四五起憑
軒心力窮嘉蔬改溷濁時菊砵榛叢鷹隼亦屈猛
鳥鷩何所蒙式瞻北隣居取適南巷翁挂席釣川
漲焉知清興終

九日寄岑參

出門復入門兩脚但仍舊所向泥活活思君令人

瘦沈吟坐西軒飯食錯昏晝寸步曲江頭難為一
相就吁嗟乎蒼生稼穡不可救安得誅雲師疇能
補天漏大明韜日月曠野號禽獸君子強遠迤小人
困馳驟維南有崇山恐與川浸溜是節東籬菊
紛披為誰秀岑參多新語性亦嗜醇酎采采黃金
花何由滿衣袖西軒一作秋軒
示從孫濟

平明跨驢出未知適誰門權門多噂沓且復尋諸
孫諸孫貧無事宅舍如荒村堂前自生竹堂後自
生萱萱草秋已死竹枝霜不蕃淘米少汲水汲多

井水渾刈葵莫放手放手傷葵根阿翁懶墮久覺
兒行步奔所來為宗族亦不為盤飧小人利口實
薄俗難具論勿受外嫌猜同姓古所敦墮一作翻
一作情
奉同郭給事湯東靈湫作

東山氣鴻濛宮殿居上頭君來必十月樹羽臨九
州陰火賁玉泉噴薄漲巖幽有時浴赤日光抱空
中樓閣風入轍跡曠原迤冥搜拂天萬衆動觀水
百丈湫幽靈斯可怪王命官屬休初聞龍用壯擘
石摧林立中夜窟宅改移因風雨秋倒懸瑤池影
屈注滄江流味如甘露漿揮弄滑且柔翠旗淡偃

塞雲車紛少留簫鼓蕩四溟異香泱泱浮蛟人獻
微綃曾祝沉豪牛百祥奔盛明古先莫能儔坡陀
金蠟蟻出見盖有由至尊顧之笑王母不遣收復
歸虛無底化作長黃虬飄飄青瑣郎文采珊瑚鉤
浩歌淶水曲清絕聽者愁

曠原一作廣野拂天
一作沸天一作蕪天

橋陵詩三十韻因呈縣內諸官

先帝昔晏駕茲山朝百靈崇岡擁象設沃野開天
庭即事壯重險論功超五丁坡陀因厚地却略羅
峻屏雲闕虛冉冉風松肅泠泠石門霜露白玉燧
莓苔青宮女曉知曙祠官朝見星空梁簇畫戟陰

井敲銅餅中使日夜繼惟王心不寧豈徒卹備享
尚謂求無形孝理敦國政神靈推道經瑞芝產廟
柱好鳥鳴巖局高嶽前偉萃洪河左滢滢金城蓄
峻趾沙苑交迴汀永與奧區固川原紛眇冥居然
赤縣立臺榭爭峇亭官屬固稱是聲華真可聽王
劉美竹潤裴李春蘭馨鄭氏才振古啖侯筆不停
遣辭必中律利物常發矧綺繡相展轉琳瑯逾青
瑩側聞魯恭化秉德崔瑗銘太史候鳧影王喬隨
鶴翎朝儀限霄漢客恩迴林垌軼軻辭下杜飄颻
凌濁涇諸生舊襦褐旅泛一浮萍荒歲兒女瘦暮

途涕泗零主人念老馬廨宇容秋螢流寓理豈悵

窮愁醉未醒何當擺俗累浩蕩乘滄溟曉知曙一作曉知曙

鳴巖局一作巢巖局

戲簡鄭廣文魚呈蘇司業鄭虔為廣文館學

士蘇源明為司業

廣文到官舍繫馬堂階下醉即騎馬歸頗遭官長

罵才名三十年坐客寒無禮賴有蘇司業時時乞

酒錢繫馬一作置馬賴有一作近有乞世本作與

夜聽許十一誦詩愛而有作

許生五臺賓業白出石壁余亦師粲可身猶縛禪

寂何階子方便謬引為匹敵離索晚相逢包蒙欣
有擊誦詩渾游衍四座皆辟易應手看捶鉤清心
聽鳴鏑精微穿溟滓飛動摧霹靂陶謝不枝梧風
騷共推激熬燕自起詣翠駸誰剪剔君意人莫知
人間夜寥聞

渾一作混熬燕
或作熬驚誤

夏日李公見訪李時為大子家令

遠林暑氣薄公子過我遊貧居類村塢僻近城南
樓傍舍頗薄朴所願亦易求隔屋喚西家借問有
酒不牆頭過濁醪展席俯長流清風左右至客意
已驚秋巢多衆鳥喧葉密鳴蟬稠苦遭此物聒孰

謂吾廬幽水花晚色靜庶足充淹留預恐樽中盡

更起為君謀

鳥喧一作鳥聞

五言古詩二之上

自京赴奉先縣詠懷五百字

杜陵有布衣老大意轉拙許身一何愚竊比稷與
契居然成濩落白首甘契闊蓋棺事則已此志常
覲豁窮年憂黎元歎息腸內熱取笑同學翁浩歌
彌激烈非無江海志瀟灑送日月生逢堯舜君不
忍使永訣當今廊廟具構厦豈云缺葵藿傾太陽
物性固莫特碩惟螻蟻輩但自求其穴胡為慕大

鯨輒擬偃溟渤以茲悟生理獨耻事干謁兀兀遂
至今忍為塵埃沒終愧巢與由未能易其節沈飲
聊自遣放歌頗愁絕歲暮百草零疾風高岡裂天
衢陰崢嶸客子中夜發霜嚴衣帶斷指直不得結
凌晨過驪山御榻在嵒嶮蚩尤塞寒空蹴踏崖谷
滑瑤池氣鬱律羽林相摩戛君臣留歡娛樂動殷
摎嶠賜浴皆長纓與燕非短褐彤庭所分帛本自
寒女出鞭撻其夫家聚歛貢城闕聖人筐篚恩實
欲邦國活臣如忽至理君豈棄此物多士盈朝廷
仁者宜戰慄况聞內金盃盡在衛霍室中堂有神

仙煙霧蒙玉質煖客貂鼠裘悲管逐清瑟勸客馳
蹄羹霜橙壓香橘朱門酒肉臭路有凍死骨榮枯
咫尺異惆悵難再述北轅就涇渭官渡又改轍羣
水從西下極目高崒兀疑是崆峒來恐觸天柱折
河梁幸未圻枝撐聲窸窣行旅相攀援川廣不可
越老妻既異縣十口隔風雪誰能久不顧庶往共
饑渴入門聞號咷幼子饑已卒吾寧捨一哀里巷
亦嗚咽所媿為人父無食致夭折豈知秋禾登貧
窶有倉卒生常免租稅名不隸征伐撫迹猶酸辛
平人固騷屑默思失業徒因念遠戍卒憂端齊終

南湏洞不可擬

君臣一作聖君
葛短褐一作聖君
葛短褐一作聖君
葛短褐一作聖君
葛短褐一作聖君
葛短褐一作聖君
葛短褐一作聖君
葛短褐一作聖君
葛短褐一作聖君
葛短褐一作聖君

霧散暖客一作煖家秋禾登一作作
秋未登憂端齊一作憂瑞際

白水縣崔少府十九翁高齋三十韻

客從南縣來浩蕩無與適旅食白日長况當朱顏
赫高齋坐竹杪信宿宿遊衍聞清晨陪躋攀傲睨俯
峭壁崇岡相枕帶曠野懷咫尺始知賢主人贈此
遣愁絕危階根青冥曾氷生浙瀝上有無心雲下
有欲落石泉聲聞復息動靜隨所激鳥呼巖其身
有似懼彈射吏隱適情性茲焉其窟宅白水見舅
氏諸翁乃仙伯杖藜長松陰作尉窮谷僻為我吹

雕 逍遙展良覲坐久風頗怒晚來山更碧相對
十丈蛟歟翻盤渦圻何得空裏雷殷殷尋地脉烟
氛藹 崑崙 崑崙崑崙崑崙崑崙崑崙崑崙崑崙崑崙
前軒頽反照嶢絕華嶽赤兵氣漲林巒川光雄鋒
鏑知是相公軍鐵馬雲霧積玉觴淡無味 羯豈
強敵長歌激屋梁淚下流衽席人生半哀樂天地
有順逆慨彼萬國夫休明備征狄猛將紛填委廟
謀蓄長策東郊何時開帶甲且未釋欲告清宴罷
難拒幽明迫三歎酒食傍何由似平昔

息一作聞復急
崑崙一作崑崙

林竹抄一作
林抄聞復

三川觀水漲二十韻

我經華原來不復見平陸北上惟土山連天走窮
谷火雲無時出飛電常在目自多窮岫兩行潦相
逐戲蓊匍川氣黃羣流會空曲清晨望高浪忽謂
陰崖踣恐泣竄蛟龍登危聚麋鹿枯查捲拔樹礪
硯共充塞聲吹鬼神下勢閱人代速不有萬穴歸
何以尊四瀆及觀泉源漲反懼江海覆漂沙坼岸
去漱壑松柏禿乘陵破山門迴幹裂地軸交洛赴
洪河及關豈信宿應沈數州沒如聽萬室哭穢濁
殊未清風濤怒猶蓄何時通舟車陰氣不黦黷浮

生有蕩汨吾道正羈束人寰難容身石壁滑側足
雲雷屯不已艱險路更跼普天無川梁欲濟願水
縮因悲中林士未脫衆魚腹舉頭向蒼天安得騎
鴻鵠

彭衙行

憶昔避賊初北走經險艱夜深彭衙道月照白水
山盡室久徒步逢人多厚顏參差谷鳥吟不見遊
子還癯女飢咬我啼畏猛虎聞懷中掩其口反側
聲愈嗔小兒強解事故索苦李餐一旬半雷雨泣
漣相攀牽既無禦雨備徑滑衣又寒有時最契闊

竟日數里間野果充糧糒卑枝成屋椽早行石上
水暮宿天邊煙少留同家窪欲出蘆子關故人有
孫宰高義薄曾雲迓客已曛黑張燈啟重門煖湯
濯我足剪紙招我魂從此出妻孥相視涕闌干衆
雛爛熳睡喚起雷盤殮誓將與夫子永結為弟昆
遂空所坐堂安居奉我歡誰肯艱難際豁達露心
肝別來歲月周羯仍構患何當有翅翎飛去墮
爾前谷鳥吟一作谷鳥鳴猛虎一作虎狼
禦雨一作禦濕最莽闊一作經莽闊